



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1675. usque ad annum 1681

Fleury, Claude

August. Vind. [u.a.], 1780

VD18 90119207

§. 1. Inique Puritanorum querelæ in Anglia contra Catholicos.

[urn:nbn:de:hbz:466:1-67305](https://nbn-resolving.org/urn:nbn:de:hbz:466:1-67305)

HISTORIÆ ECCLESIASTICÆ

CONTINUATÆ.
LIBER CCVIII.

INNOCENT. XI. PONTIF. MAXIM.
LEOPOLDUS I. ROM. IMP.

§. I.

*Iniquæ Puritanorum querelæ in An-
glia contra Catholicos.*

Nondum in Anglia profuso inno-
centium Catholicorum sanguine
extincta erat rabida sitis Pres-
byterianorum, ex quibus potissimum
plebæi Ordinis Senatus constitit: quam-
vis enim hi Seroggium capitalis fori Præ-
fectum, aliosque ab Oate & Bedloo falso
accusatos fuisse deprehenderent, eorum
testimonia ab aliis quamplurimis falsi-
tatis convicta, inter se pignantia, ac
centenis fabulis conspersa fuisse, etiam
manibus palparent, prævalente tamen
insano eorum Catholicos eliminandi
proposito ex Catholicis quamplurimos

*Salmon hist.
d' Angl.
Theatr. Eu-
rop. t. 12.
Rapin Hist.
d' Angl.
lib. 23.*

Ff 4

hoc

Sæc. XVII. hoc item anno ad carceres, exilia, ex-
A.C. 1680. tremaque supplicia condemnarunt,
 ipsumque Ducem Eboracensem successi-
 onis jure exuere, pertinaciter persti-
 terunt: Incassum Lionnellus Jenkins
 supremus Regni Secretarius pluresque
 alii indignitate facinoris commoti ob-
 jectabant, cunctis legibus imo ipsis etiam
 Religionis principiis esse adversum,
 quod duntaxat ob Religionis diversita-
 tem etiam privatus suo jure spoliatur,
 & de nullo crimine convictus, imo ne-
 quidem auditus condemnatur, & Rex
 qui tamen soli Deo suum jus debet, a
 quacunque potestate in terris privetur,
 præsertim cum omnes subditi adstring-
 untur nupero juramento, quo polliciti
 essent, quod Regi ejusque hæredibus ac
 Successoribus fidem & fidelitatem servaturi,
 & ipsum ipsosque pro viribus suis contra
 omnes conspirationes, & machinationes,
 quæcunque instituantur contra ipsius vel ipso-
 rum personas, coronas, ac dignitates, de-
 fensuri sint. Verum hæc, pluresque al-
 iæ rationes nihil valere in animis eo-
 rum, qui ad promovendum Catholi-
 corum exterminium divinas, humanas-
 que leges proculcare, sibi haud reli-
 gioni ducunt: hoc furore incitati, om-
 nem captabant occasionem, ut populo
 in Catholicos odium instillarent, simul-
 que Catholicum Successorem exclu-
 denti

dendi necessitatem persuaderent: cum Sæc. XVII.
A. C. 1680.
igitur Rex pro conservanda Tungri Ur-
be, quam Mauri toto impetu obsede-

rant, suppetias peteret, hanc propo-
sitionem e re nata censebant Senatores,
ut novas querelas contra Catholicos ad
Regem deferrent, non eo fine, ut Re-
gni periculum ex Maurorum invasione
imminens Regi exponerent, sed ut po-
pulo Ducis exclusionem minus horren-
dam depingerent: Porrecto itaque li-
bello exponebant. I. Huic urbi ferme
semper præfuisse Catholicos, & præsi-
dium ex Tribunis & milite Catholico
fuisse compositum. II. In Anglia adeo
prævaluisse Catholicos, ut prodigii
loco habendum, quod Parlamentum
ad eos opprimendos remedium inve-
niri potuerit. III. Eos in sui incre-
mentum ipsas leges contra illos sanc-
tas vertisse, Judices & Magistratus eis
oppositos sua auctoritate spoliasse, eo-
rumque, quos corrumpere non poterant,
ruinam promovisse. IV. Parlamentum
duntaxat in rei Catholicæ commodum
toties fuisse dissolutum. V. Auri sup-
petias Regi concessas ex Catholicorum
consilio fuisse erogatas in arma Prote-
stantibus inferenda, & augendam Gal-
lorum potentiam. VI. Plurimos sub
Gallorum signis militare co-
actos, & Regis Ministros per Franciæ
Regem

Sæc. XVII. Regem apud Batavos sollicitasse, ut
A. C. 1680. ibidem Catholici suæ Religionis liber-
 tate frui possent. VII. Leges contra
 Catholicos latis non fuisse executioni
 datas, imo Non-conformistas Prote-
 stantes eorum impulsu fuisse vexatos.
 VIII. Catholicos a præstiti juramenti
 fide fuisse a Papa solutos. IX. Quem-
 dam Regis Ministrum Catholicum ad
 exterminandam religionem cum Papa,
 aliisque Principibus consilia cudisse.
 X. Ex hoc autem literarum commer-
 cio ortam esse damnandam ac inferna-
 lem nuperam conjurationem. XI. Ca-
 tholicos, ut hanc conspirationem oc-
 cultam tenerent, quemdam trucidasse
 Judicem. XII. Parlamentum, dum præ-
 cipuos conjurationis auctores dijudi-
 care pararet, fuisse tamdiu dissolutum,
 donec interim Catholici sua crimina oc-
 cultandi, sibi que prospiciendi spatium
 haberent. XIII. Testes præmiorum de
 Ducis Eboracensis gratiæ pollicitationi-
 bus fuisse corruptos. XIV. Falsam
 conjurationem in odium Protestantium
 fuisse adinventam. XV. Judicem quem-
 dam suo officio fuisse amotum, eo quod
 scriptum quoddam contra Eboracensem
 Ducem acceptasset. XVI. Novellas,
 quibus Papismus ludibrio habetur, a
 Regiis fuisse prohibitas. XVII. Insu-
 per habitis decretis de Catholicis Lon-
 dino

dino & Westmonasterio expellendis, Sæc. XVII.
 hos tamen etiamnum ibi magno nu- A. C. 1680.
 mero degere.

Hæc mere in Religionis odium excogitata fuisse, noverant non pauci, suspicabantur universi: nihilominus plæbei Ordinis Senatores suum edictum de Eboracensi Duce a successione excludendo ad Procerum Senatum transmittere præsumpsere, a quo ex nonaginta tribus suffragiis nonnisi triginta, & ex quatuordecim Episcopis duntaxat tres iniquæ sententiæ acceperunt: inde vero Puritani Senatores in rabiem acti, ex ipso suo Senatu nonnullos falsis criminationibus, carceribus, atque exauctoratione vexarunt.

§. II.

*Sententia Parisiensis Facultatis circa
 juramentum Anglicanum.*

Jam sæpius meminimus, quod Angli Argentre
 Catholicis, ut eos a sectæ suæ Asse- Coll. Jud.
 clis discernent, varia juramenta im- t. 3. part. 1.
 posuerint: inde vero tenerioribus Ca- pag. 139.
 tholicorum quorundam animis injecta
 est religio, an salva fide ac tuta conscientia
 Catholici Angli subsequens præstare
 valeant juramentum a Protestantibus
 præscriptum:

„Ego